

Lelo ilyo mulepepa . . .

WWW.TENDAYSOFPRAAYER.ORG

UBUSHIKU BWA 2—TUSAMBILISHENI UKUPEPA

“Kasuba kamo Yesu alepepa mu cifulo cimo ifi. Ilyo apwile, umo wa mu basambi bakwe atile kuli wene, ‘Mwe Shikulu, tusambilisheni ukupepa’ ” (Luka 11:1, NIV).

Umutima wa Mweo uwa Bwina Kristu

Ipepo lilafwaikwa, kabili lya maka ya bumi.

“Cila lucelo bulenipo inshita iya kutendekelapo imilimo yenu mwi pepo. Mwitontonkanya ukuti ici kupōsa fye nshita; iyi e nshita iikabēlelela ukufika na ku nkulo sha muyayaya. Mu musango yu e mo ukubomba bwino no kucimfya kwa kumupashi kukeshila” (*Testimonies for the Church*, vol. 7, p. 194).

Ilingi abasambi balemonako uko Yesu âlepepa. Basangile ukuti akwete umweo wa mapepo uwapusana ku mweo wabo. Abasambi bāli bantu ba mupashi abasuma. Bakwete imitima iyaipesha kuli Lesa kabili balefwaya ukulamupyungila. Baleya ku cilonganino, basungile Sabata, bâlebwesha icekumi mu cishinka no kulya ifyasanguluka. Umuntu onse mu Israele, na kucilisha abasambi, balishibe ifya kupepa, te fyo?

Tutontonkanya ukuti twalishiba ifya kupepa. Na bāna bene balishiba ifya kupepa. Lelo ilyo abasambi bamwene Yesu alepepa - basangile ukuti bene *tabaishibe* ifya kupepa. E mulandu wine basosēle ati, “Tusambilisheni ukupepa.” (Luka 11:1).

Tumona kwati ipepo lyalyanguka nganshi. Ee, Lesa kuti akutika kwi pepo lyayangukisha. Lelo tufwile ukutwalilila mu kufuntula umweo wa mapepo.

Abasambi basangile ukuti baleshimikila, lelo takwali abāleikatwa ku mitima. Baleesha ukuposha abalwele no kufumya ifiwa, lelo tabakwete amaka. E lyo baipwishe Yesu, “Mucita shani filya?” Yesu atile, “Ni kwi pepo no kuleka ukulya.”

Yesu mu cishinte aletila ukuti tekuti ucite ifintu mu māno yobe we mwine; ni mu maka ya kwa Lesa fye. Iwe pakubomba bwino, ufwile ukupepa apakalamba. Mwi būku lya Bena Roma, Paulo asosa ukuti Mupashi Wamushilo afwile ukutwafwako pantu tatwaishiba no kupepa (Abena Roma 8:26).

“Ipepo e mupu wa muntu. Lyene e nkama ya maka ya kumupashi. . . Uleke ukulapepa, nangu ulepepa mumpo mumpo, lino na lilya, apo fye watemenwa, e lyo walanaka ukwikatilila kuli Lesa” (*Prayer*, pp. 12, 13).

Yesu aikele ubwikashi bwa mapepo kabili alecesha ubushiku bonse mu mapepo. “Yesu Umwine, ilyo aikēle pakati ka bantu, alesangwa ilingi mu mapapo. . . Wene e cakumwenako cesu mu fintu fyonse. . . Bumuntu Bwakwe bwalengele ipepo ukuti libe ilyafwaikwa kabili libe lyakushukila fye. Wene asangile icikoseleshi no buseko mu kulanshanya na Wishi. Nomba nga cakuti Umupusushi wa bantu, Umwana wa kwa Lesa, aumfwile ubukabilo bwe pepo, ni shani ku mwina-kufwa, uwanaka, umubembu, engacishamo ukumona ubukabilo bwe pepo lya maka ne lya kutwalilila” (*Steps to Christ*, pp. 93, 94).

Yesu acitile ipepo nge cakubalilapo Cakwe, ica ntanshi ilyo akasuba takalatula. “Kabili ulucelocelo, ninshi naima kale ku matundaca (ilyo tabulaca), afumine panse no kuya ku matololo; na kulya e ko apepele” (Marko 1:35, NKJV). Yesu akwete nshita ne cifulo ca kupepelapo.

Ilyo abasambi batile, “Tusambilisheni ukupepa,” Yesu tâbebele ati, “Pepeni na ’ya mashiwi,” kwati cisemo. Nakuba, Abebele fye apabūta ukukāna bwekesha amashiwi yamo yene lyonse ilyo balepepa (Mateo 6:7). Yesu Umwine apepele amapepo ya misango na misango iyapusana muli Yohane 17, ukulingana no bukabilo bwa fyalecitika.

“Ipepo e kwisula kwa mutima kuli Lesa nga ku cibusa” (Intampulo kuli Kristu, p. 93). Mwi pepo e mo twiswila umutima wesu kuli Lesa mu kulanshanya kwa cishinka, nga mu kwasukana. Nga walabwekesha amashiwi yamo yene cila nshita ulepepa, cikaba umonenena elyo tawakaletontonkanya pa fyo wingasosa.

Ipepo no kusambilila Icebo filingile ukwendela pamo lyonse. Tulanda kuli Lesa ukupitila mwi pepo; nangu cakuti Icebo ca kwa Lesa na co cilanda kuli ifwe.

Yesu aikele umweo wa mapepo. Alepepa ulucelo, aleya ku cifulo cimo cine ku kupepa, kabili alalanshanya na Lesa (no mutima) uwaisuka. Wene e cakumwenako cesu. Aletwita ukuti tulepepa nga Wene. Natupepele pamo.

Inshita ya Kupepa (30–45 Minutes)

*Amabumba ya mapepo yonse yabomfya inshila shalekana lekana isha kupepela pamo. Tulemukoselesha ukuti mulekwata utushita na tumbi 30-45 (minutes) mu kupepela ca pamo, mu nshila yonse intu Umupashi Wamushilo walamutungulwila. Tulekoselesha amapepo ya kulanshanya ayepi - umusēla wa mashiwi umo ukufika pa misēla itatu (1-3 sentences). Ici kuti calenga abengi ukupepa imiku iingi. Pe samba pali ifyakulangila ukupepela mwi Lembo (**Praying through Scripture**) ukulingana ne cikomo. Kuti mwapepela na mu fiputulwa fya Malembo na fimbi no kubikamo ifisambililo na fimbi mu nshita mulepepa. Moneni mwi pepala lya “**Kutungulula Intungulushi**” (**Leader’s Guide**) na “Mepusho ya Kupepelapo Ici-longanino conse mu calo conse” (**World Church Prayer Requests**) pa kuti mwaishibilapo na fimbi ifyo mwingacita mwi pepo.*

Ukupepa mu Cebo ca kwa Lesa — Luka 11:1

“Kasuba kamo Yesu alepepa mu cifulo cimo ifi. Ilyo apwile, umo wa mu basambi bakwe atile kuli wene, ‘Mwe Shikulu, tusambilisheni ukupepa.’ ”

“Yesu alepepa mu cifulo cimo ifi”

Mwe Shifwe, tusambilisheni ukupepa nga Yesu. Tuleyebelela ku kuleshanya, ku kupulauka elyo na ku kupamfiwa kwesu. Twafweni ukuti tulesala inshita iyayana ne cifulo ca kukumaninako Nenu cila bushiku. Aluleni umusango tusalilamo ifyo twingatangishako kabili bikenzi muli ifwe imisango ya kutupalamika ku cinso cenu.

“Mwe Shikulu, tusambilisheni ukupepa”

Ee, mwe Shikulu, Tulangeni ukupepa nga filya fine mwalangile abasambi. Twamitasha pa cilangililo cayemba ice Pepo lya Mfumu. Tulangeni ifya kupashanya imwe mu mapepo na mu mekalo yesu. Twisushenimo na Mupashi Wamushilo, kabili bomfyeni amapepo yesu ku kwalula (ubwikashi mu) mayanda, mu filonganino, na mu mabumba yesu, elyo na mu bufumu Bwenu.

Ukulundapo ifyo Mwingacita mu Mapepo or

Ukutasha no Kulumbanya: Tasheni Lesa pa mapālo yayāna kabili mulumbanyeni pa busuma Bwakwe.

Ukuyebelela: Buleni utushita twa kuyebelela mu nkama no kumutasha pa kulekelela imembu Kwakwe.

Ukutubgululwa: Ipusheni Lesa ukuti amupēle amāno ya kupita mu fyakosa na ya kusala kusuma.

Icilinganino Cesu: Pepeleni pa fya kukabila kwa cilonganino mu muputule wenu na mu calo conse (moneni pe būla ilyalembwapo amepusho ya kupepelapo).

Ampusho ya Pamwesu: Pepeleni pa fya kukabila kwa filundwa fya cilonganino, ukwa lupwa, no kwa bena mupalamano.

Ukumfwa no Kwasuka: Buleni nshita ya kukutika kwi shiwi lya kwa Lesa no kutawila (kuli Wene) mu malumbo na mu nyimbo.

Inyimbo Mwingemba:

Fyasabankanishiwe na General Conference Ministerial Association
Ifibelengo fya Cila Bushiku Fyalembelwe na ba Dr. Pavel Goia

Local Bemba # 89 Yawama E Yawama Pe (Sweet Hour of Prayer - SDAH #478);

Loca Bemba/Chorus #24 Mwe Lesa Mumfwe (Hear Our Prayer, O Lord - SDAH #684);

Local Bemba #100 Yesu ni Cibusa Cine (What a Friend We Have in Jesus - SDAH #499).

Other Songs: Local Bemba/Chorus #09 or #12 Turn Your Eyes Upon Jesus; **Seek Ye First**; In Moments Like These